

حقوقى بىلىپىلەر مجموعهسى

هر آيك اون بىشده نشر اولنور

بولونغا دینی حقنەدەكى نظریەلەرنە قطعاً اشتراك ایتەنە چكەم . بۇ قانون مدنیزی، تدقیقات و مناقشات نتیجەسیندە ، اسباب و مستندات آرایەرق تەنظیم ایتیش دكلز . اك متمدن بر ملك قانونی عیناً اقتباس ایتدك و بعض كوچوك تعدیلات یابدق . باشقە بر ملكتدن اقتباس ایتدیکمز مواد و احكام ایچون مطلقاً مأخذەدەكى مستنداتدن ، شرحلردن ، اسباب و تطبیقاتدن اوزاقلاشمەنە صلاحیتمز یوقدر .

بندە كزجە بو مسئله لزومی قدر توضیح ایتشدرد ؛ و فضلە مناقشە یە تحمیلی قالماس اولدیغندن نتیجەلەش عد ایدەرم . مصطفى شاکر بلك مقاله سنی ، مطالعە لر مزی تنقید ایتدیكى حالده ، اجتہادینە حرمة نشر ایتدك . بو وسیلەلە عارف بك افندی یی-مکتوبندە سویلەدیكى كی-قطعاً كناهكار عدا یتدیکمزی و بالعكس كندیسنی متبەع و جدی بر حقوق منقسی عد ایدەرك شەخصنە قارشو حرمت بسلەدیکمزی و حتی بو مناقشە یە محل ویرمش اولماسندن ناشی كندیسنە قارشو متشكر اولدیغمزی بیان ایلرز . و مجموعە مزك ، كندیسنە آچیق و یازیلرینی نشرە حاضر اولدیغنی علاوه ایدەرز .

میل اسلی غادرانقو

محرری : از میر معبوف

احمد انور

مفوق اساسیە

قانونلرلك تشكیلات اساسیە یە توافقی

مجموعە مزك انتشارە باشلا دیغندن بر و حكامك تشكیلات اساسیە یە موافق اولمایان قانونلری تطبیق ایتەمكە صلاحیتد اولدقلى حقنەدەكى نظریە یی كمال حرارتە مدافە ایتدك . بو علمی مجادله نك علاقه اولاندیردیغنی و حتی بعض یومی غزەلرە قدر سرایت ایتدیكنی ممنونیتلە كوردورور ، و از میردە منتشر «آناطولی» غزەسیندە بو نظریە نك لہ و علیتندە نشر ایدلش بعض مقاله لری عیناً بورایە درج ایدیورز :

نظری شكلدە بر مسئله حقوقیە موضوع بحثدر . استانبولده منتشر و مفید نشریات حقوقیە سیلە متايز « حقوقی بیلگیلر » مجموعە سیندە محترم غادرانقو بلك بر مطالعە سی كوردولدی . مدرس مصطفى رشید بلك دارالفنون حقوق فاكولتە سی مجموعە سیندە انتشار ایتدیكنی آكلادیغمز و فقط مع الاسف هیئت عمومیە سنی هنوز اوقومقدن محروم قالدیغمز بر مقاله دده بو مسئله نك موضوع بحث ایدلدیكى آكلاشیلدی .

غاد فراتقوبك، تشكيلات اساسيه مغاير بر قانون يابله ميه جني ويا بيليرسه تورك حكامك اونى تطبيق ايدمه جكلى دعواسنده در. مصطفى رشيد بك ايسه، محكمه لرك بر قانونى تشكيلات اساسيه قانونه مخالف عد ايمك وبونى تطبيق ايمك صلاحيتى حائر اولماديفنى بيانله برابر نظرى اوله رق محكمه لرك بوصلا حيتلرينى تسليم ايمك لازم كله جكي مطالعه سنده در.

ايجاب ايتدى كه بزده مطالعه مزى عرض ايدلم. بشينا قيد و اشارت ايدلم كه هرايكى محترم حقوق شناسك مطالعه لرى بى تظمين ايدمه مش بو واديدكه دوشونجه لرمزى صارصامشدر و بزحالا او قناعت وفكرده دكلز. شمدى اسبابى ايصاحه كچوروز:

مسئله حقوقيه، بركره خيالى ووهميدر. تشكيلات اساسيه قانونه منافى بر قانونك اصدار وموقع مرعته ايصالى، هيئت تشريعيه ايجون مرء اولاده نماماً غير مفرصه اولمه لازم كليم. ايصاحه هيچده احتياج يوقدر كه بر قانون سلمه السلام وضع اولونماز. قانونك اساسى واشكالى اوزون بر طاقم مراسم تابعدر. هيئت وكلاسى، بعضاً شوراي دولتي، على الاكثر متعدد مجلس انجمنلرى والنهايه بويوك ملت مجلسى قانونى اوقويه جق، تدقيق ايدمك، نظرى وعملى نقاط نظردن مناقشه ايتد كدن صوكرا مراسم متبايه سى استكمال اولنه جقدر. بوتون بو قاناللرك هرهانكى بريسنى ضعف حقوقى ايله اتمام ايدم بيليرمى يز؟ .. ايدم مزسه ك تشكيلات اساسيه منافى بر قانونك چينه بيله جكي مسئله نظريه سى بوسبوتون اوهام وخيالاندن عبارت قالمزمى؟ .. كچه قانونلرده خطاء سهو اونماز دكلدر وبونلر هروقت معروف اصوللر داخلنده قابل تصحيحدر. فقط بر قانونك تشكيلات اساسيه قانونى كى بر «روح القوانين» صراحة ويا دلالة مغاير اوله جفنى تصور ايمك، قوه تشريعيه قارشى تشكيلات اساسيه مخالف بر قانونى قصداً وعمداً نشر ايمك احتمالى درييش ايمكه مساويدر وبزجه بوا احتمال، جوق بعيد وعادتا مستحيلدر.

مع مافيه محالك فرضى قيلندن اولمق اوزره تماماً بر نظرى وضعيتده بوا احتمال ضعيفى برآن ايجون بر «امر محقق» فرض وقبول ايدلم؟ .. نه اوله جق! .. بر اجتهاده كوره حاكم، بو قانونى طائيه جق وتطبيقندن امتناع ايدم جكدرد؟ .. ديكر اجتهاده كوره ده بالنظريه حاكمده بو حق امتناع وارسه ده بالعمل حاكم قانونله عمله مجبور ومقيد اوله جق... بزده ديهورز كه حاكمده نه نظرياً، نه ده عملاً بو حق يوقدر. حاكم، قانونى تطبيق ايله

مكلفدر، آلت طرفی؛ نه وظیفه‌سی وحقی، وحقى حقى دكلدر. علمای حقوقك مطالعاتی ولو كه دوشونذكرمرك تماماً معكوسى اولسه‌ده كندى نقطه نظر مرمى مدافعه‌دن بزی البت منع ایدمز.

حاکم؛ شارع وواضع قانونمیدر كه اوكنه كلن برقانونی تطبیقندن، احكامنى انفاذدن ویا حكم قانونی تعطیلدن اجتناب ایدهبیلسین. حاكمك، قانونی تطبیقده رهبرى، حادثیه كوره روح و متن قانوندن بشقه برشى می‌در؟ حاكمه قانونی تنقید واهال صلاحیتنى نره‌دن آلوب ویره‌جكز؟ ..

اكر بوصلاحیتی ویره‌جك اولورسحق حاكمی، قوه تشریعیه‌نك فوقه اصعاد ایتمش اولماز می‌ز؟ .. بالنظریه حاكمك قوه تشریعیه‌دن یوكسك علم و اختصاص ایله مجهز اولدینی قابل ادعایمیدر؟ .. خایر، بوتهلکلی بر دعوادر، هله بالعمل بو حقل قبولی بوسوتون وخیمدر. او درجه كه بالفرض بوصلاحیتك استعمالی صورتنده صادر اولاجق براعلام، تمیزاً تصدیق اولوبده «قضیه محكمه» حالتی آلیرسه قوه تشریعیه ایله قوه عدلیه آراسنده تحصل ایدجك باختلاف، بالنتیجه قوه عدلیه‌نك تشریع قدرتنه قارشى بر «تغلب» ی شكکنده كورونمزمی؟ .. عدلیه مؤسسه‌سی، كرچه مستقلدر، اما بو استقلالى احكام موضوعه قانونیه‌نى تمامی تمامنه تطبیق معناسنده‌ر، تنقید وعدم انفاذ ویا اهامال واسقاط فهواسنده دكل ... چونكه «استقلال عدلی» «استبداد عدلی» اولور كیدر. واضع قانونه قارشى اعتماد عمومی متأثر وخللدار اولور. هر قانون قارشیبنده هر كس اندیشه‌یه دوشر. عجبا بوقانونی حاكم تطبیق ایدجكمی، ایتمه‌یه جكمی؟ دییه بحق دوچار اضطراب اولور. اورته‌ده نه قانونك نفوذی، نه‌ده قیمت ومعناسی قالیر؛ حقوقی آنارشیک وضعیتی تحدت ایدر. شمدی تشکیلات اساسیه‌نك یوز اوچنجی ماده‌سه كچلم؛ ماده شویله‌در: «تشکیلات اساسیه قانونك هیچ بر ماده‌سی، هیچ بر سبب و بهانه ایله اهامال ویا تعطیل اولونماز. هیچ بر قانون تشکیلات اساسیه قانونه منافی اولماز».

قانونك بو امرندن بزم آكلادیغمز معنا بشقه‌در. بو معنا دوشروندن دوشرویه هیئت تشریعییه موجهدر. ردیلور كه ای واضع قانونه ... سن بو قانونه مخالف بر قانونه وضع رنبریه ایدمزسك! ... یوقسه ای حاكم؛ سن بو قانونه مغایر بر قانون كورورسك تطبیق ایتمه دمه‌یور. دقت ایدیلنجه آكلاشیلور كه تشکیلات اساسیه‌نك بو ماده‌سی؛

قانونك قوه قضائيه دن باحث اولان دردنجي فصلنده دكل ؛ بو قانونه عائد ضوابط فصل نهايسنده در. اكر قانونك مقصدي محاكمه عائد وراجع اولميه يدي ماده نك موقعي نرسي اولق لازمدي ؟ .. هر حالده دردنجي فصلده بولنسي ايجاب ايتزمي ايدي ؟ .. بناء عليه بو قانوني قرينه دخي كندى مطالعه مزي مؤيددر .

بوراده بر سوال مقدر قارشيسنده قاله جفمزي تخمين ايدييور كي يز. قانون مدينك برنجي ماده سنده حاكمه واضع قانون كي حر كت ايتك صلاحيتك بعضي قيود و شروط داخلنده و يرلش اولسي جاي سوال وتامل كوروله بيلير . فقط معلوم اولدوغى اوزره بو حق، قانونك، تعاملك ، اجتهادات علميه ومقررات قضائيه نك موجود اولماديني حاله منحصر در . بونلر بولندجه حاكمه بو صلاحيت دخي يوقدر . زيرا ؛ حاكم ، قانوني منحصر ا تطبيق ايله مكلفدر . اساس وظيفه سي، حكمت موجوديتي بودر . حاكمك قانوني تنقيد حق، تعطيل و اهمال صلاحيتي يوقدر ، قابل قبول دكلدر ، اولماز و اولمالميدر . ايشته بيم فكرم ...

ازمير مبعوث

انور

..

بحردي : ازمير يادو رئيسي

مصطفى نوري

حقوق بيلكيليرى مجموعه سنده موضوع بحث ايديلن بو مسئله حقدده «آناطولى» ده انتشار ايدين ازمير مبعوث محترمي احمد انور بك قرداشمرك واسپارطه مدعى عموميسي ادهم بلك مقاله لرني علاقه ايله مطالعه ايتدم ؛ احمد انور بك فكرندن امين بر علم آدمه ياقيشان قطعيت افاده ايله قناعتني بيان ايتكمده واسپارطه مدعى عموميسي بلك مقاله سنده ده واضح بر قناعت مشاهده ايدلمكده در .

بنده نقطه نظريمي ونتيجه مطالعاتي عيني شكلده عرض ايتك ايسترم : بومسئله نك موقع مناقشه وضعه بادي اولان حاده شوندن عبارتدر :

مشروبات كئوله اداره انحصار يه سنك مصادره ايلديكي ليكورلره موضوع بدينك رफी و جزای نقدی استیفای ضمیمه کی مداخله سنك منی حقدده ليكور صاحبی طرفندن استانبول محكمه اصليه دردنجي حقوق دائره سنده اقامه ايديلن دعوی اوزرينه محكمه دعواني قبول ايله ليكورلرك صاحبه اعاده سنه و اداره انحصار يه نك جزای نقدی طلبی

صورتیه واقع مداخله سنک منعه قرار ویرمیش، بو اعلام محکمه تمیزجه نقض ایدلش، محکمه اصلیه قرارنده اصرار واسباب موجب میاننده جزای نقدی تحصیلی ایچون ضبط ورقه سی کافی اولیوب بو خصوصده بر محکمه دن حکم استحصالی لزومی قانون جزائک ۱۹ و ۲۴ نجی ماده لرنده مذکور (بو جزایه محکوم اولان کیمسه) عبارۀ قانونیه سی مدلولندن آکلاشلدیغنی و انحصار شرکتشک بویه بر حق حائز اولدیغنی قانوندن استنباط، تشکیلات اساسیه قانونشک روحه مخالف بر اجتهاد دیمک اوله جغنی و بویه بر اجتهاد ام القوانین اولان تشکیلات اساسیه قانونشک مساعد بولمادیغنی بیان ایتشدیر، کیفیتی تدقیق ایدن محکمه تمیز هیئت عمومیه سی دخی دیگر اسباب موجب ایله برابر حادثه تشکیلات اساسیه قانونی احکامنه مخالف بر جهت کوریله مدیکنی ده ذکر ایدرک تمیز قرارینه اتباع لزومی تحت قراره آلمشدر.

محترم احمد انور بک مقاله سنده خلاصه ایدلدیکی وجهله حقوق بیلکیری مجموعه سی صاحبی غاد فراقو افندی تشکیلات اساسیه یه مغایر بر قانونی تورک حکامتک تطبیق ایدمه جکی ته زینی مدافعه ایتکده، مدرس مصطفی رشید بک دخی نظری اوله رق محکمه لرک بوسلاحتیلرینی تسلیم ایتمک لازم کله جکفی و مع مافیه محکمه لرک بر قانونی، تشکیلات اساسیه قانونه مخالف عد ایتمک و بونی تطبیق ایتمه مک صلاحیتی حائز اولمادیغنی بیان ایلکده در.

احمد انور بک (حاکم قانونی تطبیق ایله مکلفدر. حاکم واضع قانونمیدر که او کنه کلن بر قانونی تطبیقندن، احکامی انفاذدن اجتناب ایدمه بیلسین) دیورلر و «حاکم قانونی تنقید حق، تعطیل و اهل صلاحیتی یوقدره مطالعه سنی قطعیتله بیان ایدیورلر.

مدرس مصطفی رشید بک علمی و نظری اولارق حاکمک بو حق تدقیق حائز اولدیغنی قبول ایتلری شایان شکراندر. کندیلریله بو خصوصده هم فکرم. حقوق فاکولته سی مجموعه سنده انتشار ایلدیکنی احمد انور بکک خبرورددکری مقاله بزم ایچون استفاده بخش اوله جقدر و بونی بیوک بر ذوق تبیع ایله مطالعه ایدمه جکمز. محترم مدرسک تطبیقاندۀ بو حق، حاکم ایچون طامیق ایستهمه لرینه کلنجه؛ عالم بر مدرسک مطالعاتنه قارشى مدیون بولندیغمز حرمتی محافظه ایله برابر تطبیقات اعتباریله بو مسئله نك اليوم رسمی بر وضعیت حقوقیه اکتساب ایتش اولدیغنی عرض ایتمک مجبوریتقده یز.

فی الحقیقه محکمه اصلیه نك ذکر ایلدیکی قانونده تشکیلات اساسیه قانونه منافی بر

جهت بولنمادیغنی تحت قراره آلان تمیز هیئت عمومی سی بو قراریه موجب مناقشه اولان مسئله ده کندیسی صاحب کلام و وظیفه دار عدایتش و تدقیقات لازمه یی اجرا ایله بویه برخالفت یوقدر نتیجه سینه اصل اولمشدر. «یوقدر» دیمک صلاحیتی کندیسنده کورن هیئت عالی هک «واردر» دیمک اقتدارینی حائز بولنمادیغنی ادعا ایده میز، جمهوریت عدلیه سنک الک بیوک هیئت قرارینی و برمش بولنیور. تمیز هیئت عمومی سنک اجتهادی تجلی ایدنجه یه قدر تطبیقات اعتباریه مناقشه یه متحمل اولان بو مسئله تورک عدلیه سنک صریح و مصیب اجتهادیه حل ایدلش دیمکدر.

شمعی صرف نظری و عملی بر ماهیته ذات مسئله یی تدقیق ایده بیلیرز. تشکیلات اساسیه قانونک دردنجی ماده سی موجبجه تورکیا بیوک ملت مجلسی تورک ملتک یکانه و حقیق ممثیلدر. یوزاوجنجی ماده موجبجه ده، هیچ بر قانون تشکیلات اساسیه قانونه منافی اولاماز.

بیوک ملت مجلسنک حائز اولدینی صلاحیت تشکیلات اساسیه قانونک بو حکمیه مقیددر. صلاحیتی تجاوز ایدن ممثیلن صادر اوله حق تصرفاتک ماهیت حقوقیه سی علم حقوق قطعی بر صورتده تثبیت ایلکده در، بو تصرفات غیر معتبردر.

تشکیلات اساسیه نک ۱۰۳ نجی ماده سندن آکلاشیلان معنا دوغروندن دوغرویه هیئت تشریمیه یه موجهدر. بوندن [سن بوقانونه مغایر بر قانون کورورسه ک تطبیق اتمه] بولنده حاکمه توجیه ایدلش بر نهی معناسی قابل استخراج نکدر دینیایور.

بو مطالعه یه شو سؤال لرله جواب ویرمک قابلدیر: «ای واضع قانون، سن بوقانونه مخالف بر قانون وضع ایدم مزسک خطابی حاکمک سمع اطلاع و وجدانه اصل اولمالمیدر؟

قوه تشریمیه نک تشکیلات اساسیه قانونه منافی بر قانون وضعندن ممنوع بولدینی حاکمه مجهولی قالمایدیر؟ تمثیل صلاحیتک حدودینی تعیین و بو حدود خارجنده کی تصرفاتی تحلیل و نتایجی تقدیر ایدن علم حقوقک بدیی اساسلرینه وقوفدن حاکم ممنوعی اولمایدیر؟» بزجه بو اساسلره نفوذ هیچ بر زمان استبداد عدلی تعبیریه مستحق اولاجق بر قصور دکل، بالعکس حاکمکک صفتندن نزعی غیر قابل بر فضیلت و مستقل عدلیه ایچون متحتم بر وظیفه در.

اوکنه کلن بر قانونی تطبیقندن اجتنابی قبول ایدلین حاکمک اوکنده یالکیز بر قانون

دكل، جمهوريتك بټون قانونلری وېاشده تشكيلات اساسيه قانونی بولنديغی اهميتله قيد ايتك وبو اساس اوزرینه مطالعه يوروتك ايجاب ايدر قناعتنده يز.

عدليه مركزك يوكسك هيټی طرفدن صادر اولان اجتهادی نمونيتله اشارت ايدر كن علمی ورسمی بيوك بر قيمتی حائز بولان بو اجتهادی تورك عدليه سنك صلاحيت علميه وعلی ذهنيته قارشى دائماً پرورده ايلديكمز اعتماد اينجون يكي ريمسند جلی تلقی ايتديكمزى دخی افتخار ايله علاوه ايدیوروز .

ايراد ايديلان بر سؤالده جواب ویرمك لازمدر. بالفرض بويوريلور: بو صلاحيتك استعمالی صورتنده صادر اوله جق بر اعلام تمیزاً تصديق اولوبده قضیه محكمه حالي اکتساب ايدرسه نه اوله جق ؟

تشکيلات اساسيه قانونك ۵۴ نجی ماده سی صریحدر :

« حاکم بر بالمله دعوا لرك محاکمه سنده و حکمنده مستقل و هر درلو مداخلتدن آزاده اولوب آنجی قانونك حکمنه تابعدرلر . محكمه لرك مقرراتی تورکيه بويوك ملتى مجلسی واجرا وکیللری هيټی هيچ بروجهاله تبديل وتغير وتأخير واثاق احكامنه ممانعت ايدمه مز » بناء عليه او اعلام معتبردر و او اعلامی حکمن اسقاط ايدمك هيچ بر قوت يوقدر . تورك ملتك اراده سی بودر . چونكه تشكيلات اساسيه قانونی بويه امردر . فکرمزى ده صريح بر افاده ايله عرض اينجون ديهيليرزكه : تشكيلات اساسيه قانونی بر فلسفه حقوق اثری دکلدر . بالذات اراده مليه ديمك اولان بو قانونك تطبيقاتده ملغا بجهلنك ايلك يوز ماده سی حقنده کی صورت تلقی به معروض قلماسی ته زبی قبول ايدمه يز .

شوراسی ده وضوح ايله سويله مك و قطعيتله تکرار ايتمك لزومی حس ايدیورم . بوتون بو مطالعاته بزم عطف ايتديكمز اهميت تماماً علمی ونظریدر . بر عصر دن بری دوام ايدن تورك انقلاب سنك ياراتدینی روح او قادر متين وبويوك منجيتك بو مملكته فتح ايتديکی حریت وحق وعدالت عمده لری او قادر قوتله كوك صالمشدر كه قصداً تشكيلات اساسيه قانونه منافی بر قانون وضع ايدمك بر تورك ملت مجلسی و يا بويه بر قانونی تطبيق ايدمك بر تورك عدليه سی تصور ايتك وهمدن بشقه برشی دکلدر . هر هانکی بر سهو وذهولك تصحيحی ايسه تشكيلات دولت تماماً كافلدر .

يالکمز ولونظری بر ماهيته سرد ايديله جك مطالعات حقوقيه ده عدليه مزه بومملكتك لغتنده بر لفظ بی معنی قالمش اولان استبداد تعبيرينك توجیهی احتمالدن زیاده آينك حق

و حریت مدافعی اوله حق نسله قابل تودیع افکارک وجودینی ترجیح ایلدیکمدن طولاییدرکه
دوشونجه لایمی شو کله لرله خلاصه ایدیورم :
« هر حر ملتده اولدینی کی بزده ده بر کتاب مقدس اولان تشکیلات اساسیه
قانونه قصداً منافی وضع ایدیه جک بر قانونی بیله رک تطبیق ایدر جک حاکم چوق قره
وجدانی اولمیدر . »



عمری : از میر مبعوثی

انور

و موضوعی؛ کچنلرده بن مناقشه آتمش و «آناطولی» یه یازمش ایدم . کوریورم که
یازیلیم مسلکداشاریمک فکرلرینی یازملرینه وسیله اولدی . بو نتیجه دن مفتخر و ممنونم .
هله بومناقشه یه از میر باروسی رئیس محترمکده اشتراک ایدرک بیان مطالعه ایتلری
بومسئله حقنده دوشوندکلریمی تکرار یازمنه بنی مجبور ایتمش کی در . ایجاب ایدرسه
ینه بوموضوعه عودت ایتک قید و شرطیله بارو رئیس مصطفی نوری بکک مطالعه لرینه
جواب ویرمک، فکرمنی داها واضح سوبله مک و یازمق اضطرار ایدر .

محترم مصطفی نوری بک؛ اول امرده عدلیه منک صریح و مصیب اجتهادیه بومسئله مک
حل ایلدیکنی بیان ایدیورلر . بن کندی افاده لری وجهله بویولده «صریح» و «مصیب»
برمحکمه تمیز قرارینه تصادف ایتمش دکم . بحث ایتدکلری محکمه تمیز هیئت عمومی سی
قراری؛ اگر مشروبات کتولیه اداره انحصاریه سنک مصادره ایتدیکی لیکورلردن متولد
حادثیه دایر اولان ویکانه ممسک و مستدلرینی تشکیل ایدن قرار ایشه هان خبر ویرهیم که
بوقرارده افاده ایتدکلری «صراحت» یوقدر . نته کیم ذات هالیرینکده قید بویوردقلری
وجهله محکمه تمیز قرارنده : حادثه تشکیلات اساسیه قانونی احکامه مخالف بر جهت
کوروله مدیکنی اسباب موجب صددنده سویله بن محکمه تمیزک بوقرارندن آکلاشیان
معنا، انحصار قانونک تشکیلات اساسیه منافی بقیدی احتوا ایتهمکده اولماسی، اعتباریله ده
لازم التطبيق اولدینی مرکزنده در . عجباً؛ محکمه تمیز بوقانونی، تشکیلات اساسیه یه
منافی کوره بیلیمی ایدی ! . . مفهوم مخالف ایله آنف الذکر قراره استناداً « مثبت »
جوابی ویرمکده قابل ایشه ده معلوم اولدینی اوزره «مفهوم مخالف» استدالات صحیحه دن

دکل، فاسده دندر. شو حالده مفهوم مخالف ایله تفسیره قیام اولونان بر محکمه تمیز قرارنده بحث بویوردینکز «صراحت» نرده قالدی؟.. یوقسه «صراحت» کلمه سنک معناسی ده کیشدی ده بزم خبریمز یوق!.. لطفاً تسلیم بویورولسون که بوقیل مقررانه «صریح» دینله مز. بالطبع هنوز صریح اولسان برقراره دخی علی العجله «مصیب» دیمک ده خطا آلودر.

قالدی که: محکمه تمیز قرارینه عینی نظریه و مطلق بر صورتده «مصیب» دیمک ده باشلی باشنه برخطا، هله هله برخطای فاحش علمیدر. بالعمل مقررات تمیزیه بی تدقیق ایتمه یورز، بالنظریه کوروشویورز. اجتهاداتک بعضاً نه درجه لره قدر دوجار تشقت اوله بیله جکینی بیلمه یور دکلز. بر اجتهاد، هر وقت قابل تعدیل و تغیردر، بوجهت ده مسلمان دندر. بناءً علیه حالا بن اوقنا عتده یم که بومسئله نه نظریاً، نه ده عملاً هنوز حل ایدلمش دکلدز. بو خصوصده محترم بارو رئیسک فکرینه مخالفم.

مصطفی نوری بک ده صوکر ده یورلر که: «بوتون بومطالعاته بزم عطف ایتدیکمز اهمیت تماماً علمی و نظریدر» و «تشکیلات اساسیه منافی بر قانون وضع ایده جک بر ملت مجلسی تصور ایتک و همدن بشقه برشی دکلدز».

بک اعلا!... او حالده یازیلرینک بر فقره سنده تورک عدلیه سنک صلاحیت علمی و ذهنیت عالی سنی نه دمه موضوع بحث ایدیورلر... مادامکه مسئله بی تماماً نظری ساحه ده کوریورلر، او حالده عدلیه مزک صلاحیت و کفایتی و عدلیه اعتبار و افتخار مزی نه دن ونه ایچون یازوب دور دیر!... عدلیه ما کنه سی نظری و خیالی بر مؤسسه میدر؟ یوقسه کن دیسه عرض اولنان حادثاتی موضوعات داخلنده حله مأمور بر تشکلمیدر!... نظری بر مسئله بی، دلائل مادیه ایله می حل ایتک قایغوسنده درلر؟.. فقط خایر، دعوا بود کلدز. عدلیه مزه اعتماد مز وارددر، حاکم مزک مقرراتی او کننده حرمتله ا کیلمکی عرفان و مملکت بورجی اوله رق بیلیرز.

لاکن بو، بویله در دمه عدلیه مؤسسه سنه نامتناهی بر «حق تقدیر»، حدود سز بر «حق قضا» بخش ایدمه یز. بناءً علیه عدلیه بی مدح و اطرا موقعنده دکلز، علمی تدقیقات و ادیسنده یز. مصطفی نوری بک بو یا کشلنی بارز طرز محاکمه لری بوراده قید و اشارت مجبوریتده قالدیغمدن دولای متأثراً عفورلری تمی ایده جکم.

شیمدی ده تشکیلات اساسیه قانونسک روخندن بزم آلدیغ معنای قید ایده یم: بوقانون،

دولت دهنیلن شخصیت معنویه ایله افراد ملت بیننده ضمناً منعقد عالی بر مقاوله سیاسیه در. بوقانونه استناداً تفسیرات و تطبیقاته کیریشه جک حاکم و غیر حاکم اول باول « حقوق اساسیه ملیه » ایله اختصاص و توغل ایتمش اولسی لازم کلیر. بالنظریه حاکمه بصلاحیت موجودمیدر ظنده سکر؟ اگر تشکیلات اساسیه قانونی، بورجلر قانونی، جزا قانونی کی بوقانون تلقیسنده بولونورسه کز برابر اولامیز. فقط هیچ تخمین ایتم که یوکسک بر قیمت علمیه بی حائز اولان از میر بارو رئیس بو وطن و ذهابه بولونسون! ..

ایسترمیسکر که بالفرض مشروبات کشولیه عائد انحصار قانونی، تشکیلات اساسیه نک « سربستی سبی و عملی، عمدتاً منافیدر دویه ثم التدارک بر تفسیر قضائی ایله ساقط العمل اولسون! .. بن بویه بر نتیجه بی، مصطفی نوری بک قوتلی منطق حقوق پسندن بکله یه م. بیلم که ایضاحه احتیاج وارمیدر؟ .. قانونلر یکدیگری تهید ایدرلر. بو قیود، منافع عامه ملاحظاته کوره وضع و تدوین اولونور. « منافع عامه » بی واضح قانون دوشونمکه مأمورددر. « صنعت تشریع » بودر. منافع عامه بی حاکم دوشونمکه مأمور ایدله مشدر. حاکم، یالکز قانون ایله محدود و مقیددر. او اعتبار ایله تطبیقه مجبوردر. مجلسک حائز اولدینی صلاحیت و قدرت تمثیل بی بزم تشکیلات اساسیه قانونی صراحتله کوستر مشدر. نظریات اعتبارله ده مجلسک قانون و مقرراتی مطاع و محترم اولوق لازم کلیر. عکسی حالده ملت مجلسک فوقه « عدلیه » بی اقامه ایتمش اولورز. بن بو طرز محاکمه بی « استناد عدلی » تعبیرله توصیف ایتمش ایدم. اگر عدلیه بو صلاحیت و یریلرسه عینی نقطه نظری محافظه ایده جکم. مصطفی نوری بک بو تعبیری بکنمه بیلیرلر.

بکا « مستقل عدلیه » دن بحث ایدیلبور، عدلیه نک استقلال سیویه نیور، عجباً استقلال عدلی بی انکار ایدن کیمدر؟ .. بویه بر دعوا قابل تصور می؟ .. فقط خطا بنجه شو نقطه ده در.

مصطفی نوری بک تشکیلات اساسیه نک اللی دردنجی ماده سی یازمقله اکتفا ایدیورلر. « حاکم بالجله دعوارک محاکمه سنده و حکمنده مستقل و هردلو مداخلتدن آزاده اولوب آنجق قانونک حکمنه تابعدرلر. محکمه لک مقرراتی تور که بوبوک ملت مجلسی واجرا و کیلاری هئی هیچ بروجهله تبدیل و تغییر و تأخیر و انفاذ احکامنه ممانعت ایدم مز. بوراده کی « مستقل » تعبیری، احکام موضوعه قانونیه رعایت وجیه عدلیه سی

زده اهلای ایتدیره جکدر! . . . «استقلال» دن مقصد، اعطای حکمده سربستی نام ایله حکم قانونی انفاذدن بشقه بر شیعیدر؟ . . .

اگر «استقلال عدلی» مفهومی هر هانکی قانونی «تشکیلات اساسیه منافی» در قیدله طانیماق، تطبیق ایتمه مک معناسنده اولورسه بو ایش زده واریر، صومق لازم گلزمی؟ . . . هایدی بن جواب ویرهیم! . . . حقوقده «آنارشی» اولور، قانونک نفوذی قالماز. افکار عامه قانونه قیمت و اهمیت ویرمز، سرچالیشکده قانونه اعاده قوت و اعتبار ایتدیرک باقالم

وصو کرا، تشکیلات اساسیه مک ۲۶نجی ماده سنده محرر «عمومی و خصوصی عفو اعلانی و جزالک تخفیف و تحویلی، صلاحیتک ملت نامه جمله حقوق حاکمیتدن اولمق اوزره مجلس عالیده موجود بولندوغنی نصل اونودا ییلیرز. تشکیلات اساسیه مک یالکیز ۵۴نجی ماده سیله استشهاد ایدیورسکزده ۲۶نجی ماده سیله نهدن احتجاج ایتمه یورسکز؟ بحث بویورولان «اراده ملیه» بی «عدلیه» دکل، مجلس عالی تمثیل ایدر و آنحق قانوندرکه اراده ملیه مک شکل متظاهرنی افاده ایلر، یوقسه مقررات محاکم؛ ذهاب والالری کبی اراده ملیه بی تمثیل ایتمز، محاکم اراده عالی ملیه تحتنده ایش کورمکه مأموردر .

تشکیلات اساسیه قانونک ۱۰۳نجی ماده سنه - که هیچ بر قانونک تشکیلات اساسیه منافی اوله میه جنی بیاننده در - بنم ویردیکم معنایه محترم مصطفی نوری بک جواب ایله دکل، سؤال صور مقله مقابله ایدیور. تکرار ایدیم که بومعنا، قوه تشریعیه عائددر؛ قوه قضاییه موجه برامر قانونی موضوع بحث دکلدر. بو ضابطه مک قانونک فصل نهایی سنده بولونماسی برقرینه حقوقیه اوله رق کوسترمش ایدم؛ بوکا جواب ویرمیرک حاکمک بوقاعده بی سمع اطلاع و وجدانه آلمسندن ممنوع اولوب اولمدیغنی صوریورلر. حاکمی مخاطب اتخاذ ایتمدیکنه قانع اولدیغمز نص قانوندن حاکمه نه اولیور؟ . . . صو کرا، تشکیلات اساسیه یالکیز حاکمه می خطاب ایدیور، حاکمه اختصاص می افاده ایله یور؟ . . . بوتون برملتک الک محترم و مقدس بر قانونی اولان تشکیلات اساسیه مک یالکیز بر صنفه خطاب ایتمسی قابل ادعایدر؟ . . .

ماحصل: مصطفی نوری بک ده بی تطمین ایتمکدن اوزاق قالمشدر. اسباب موجه ایله واردقلری نتیجه هم آهنگ دکلدر. بالخاصه بو یولده حقیقه جق بر محکمه قرارینک قضیه محکمه حالی آلمسی ایله عدلیه و قوه تشریعیه آره سنده تحدت ایدمک وضعیت

اوزرنده برتوقف عملیده بولونه مامش لر در. ایشک جهت نظریه سی ایله تطبیقات وضعینی اطرافیه مناقشه ایتمه دیر. یکانه مسکرینک مفهوم مخالفه مستند بر محکمه تمیز قراری اولمسی کندی حسابمه کافی تلقی ایدم.

فاضل محترمدن، مناقشیه دوام ایچون مطالعات سائره بکلهرم.

ازمیر مبعوثی

ازمیر : ۱۴ مارت ۱۹۲۸

انور

..

عمری : آووقات

مصطفی ساکر

صراحة ویا ضماً ویا دلالة " تشکیلات اساسیه قانونه منافی بر قانونک تطبیقتدن حاکمک امتناع ایدمه چی حقیقده ازمیر مبعوثی محترم آرقاداشمز احد انور بکک « آناتولی » غزه سنده نشر ایله دیکی قیعتلی بر مقاله مناسبتیه ازمیر بارو رئیس آووقات مصطفی نوری بکک : علمی بر مطالعه سی سبق ایتمش وبو صورتله بزده ده بو مهم مسئله حقیقده بر « مناقشه » ساحه سی آچیلمشدر .

همان هرملکتک حقوق عالنده زمان زمان بلیردن بومهم مناقشه نتیجه سنده تظاهر ایدن اختلاف قوتلی فلسفه ونظریه لره استناد ایتدیرلمکده در.

آمریقاد قانونک تطبیقی ایچون (قانون اساسی) بر میزان عد واعتبار ایدلمکده در. آمریقا حاکمیری ، بر قانون ، قانون اساسی به منافی ایسه او قانونی تطبیقتدن امتناع ایتمشدر. جواهر متحده محاکمی ، قانون اساسی به مغایر بر متنی ابطال والغا وظیفه سی حاکمیر. او درجه ده که واشینگتون محکمه عالی سی ایچون [قانون اساسینک صیانت احکامی] امرنده احداث ایدلدیکنی ادعا ایدنلر بیله اولمشدر .

فرانسه حقوق علماسی ایسه ، مختلف نظریاتک قوتلی دلیلاری آره سنده بومسئله بی صورت قطعیده حل ایدمه مش وحکومتک « حاکمک حکومتی » سیسته منه کچمه سنه راضی اولاماشدر .

تورک محاکمک ، آمریقا محاکمک نقطه نظرینی قبول ایله دیکی ظن اولونمقده در .

تقریباً ایکی سنه اول تورک حاکم لرندن بری [علناً نقض صیام] حقننده کی جزایی « تشکیلات اساسیه » قانونی ایله تألیف ایدمه دیکی جهته نقض صیام ایله مظنون اولان برذاتک عدم مسئولیتته قرار ویرمشدور .

عدلیه مرکز محترم وکیل محمد اسعد بک اتندی دخی ، حاکم بوقرارینی حقوق برمصاحبه اتناسنده بالذات تصویب بویورمشلردور .

اداره انحصاریه نك قبل الحکم تحصیل ایتدیکی جزای نقدیلرک ، تشکیلات اساسیه قانوننه منافی بر حرکت اولمدینی یولنده کی محکمه تمیز قراری [متعاکس بر مفهوم ایله استدلال اولنمیه جنی] ادعاسنه رغماً حادثه ده تورک عدلیه سنک نقطه نظرینی کافی مرتبه ده تعینه خادم اولمشدر . محکمه اصلیه نك قرارینی نقض ایدن محکمه تمیزک بوقرارنده محکمه اصلیه جه سرد ایدیلان اسباب موجب تحلیل اولونمش ، بالتیجه حکمی موجب سبیلر میاننده تشکیلات اساسیه قانوننه مخالفت کی برسیبک حادثه ده موجود اولمدینی تثبیت ایدلمشدور .

و تئبیک ، فلسفه حقوق مواجهه سنده موقعی [مفهوم مخالف] ایله استدلال موقعی دکلدر ، بلکه : [اقتضائی برذالات] ایله استنباط احکام موقعیدور . فی الحقیقه حادثه ده بر مخالف ظاهر اولسه ایدی ، محکمه اصلیه جه متخذ قرارک تصدیقی اقتضا ایدمه جکدی . بواقضایی استنباط ایتک ضروریدور . چونکه محکمه تمیزک مخالفت سببی ده بالخاصه تدقیق بویوردینی کورمکده یز .

شو قدرکه ، تورک عدلیه سنک بو طرزده تظاهر ایدن نقطه نظریده حادثه ی اطرافیه حل ایتیش دکلدر . بو حادثه نك حل ، اولنک ماهیتی ترکیب ایدن عمومی قاعده لر تحتده بوتون منابع اعتراضیه ی سدایده جک شکله ممکن اولابیلیر . بواکانک تحصیلی ایچونده « تشکیلات اساسیه » قانوننک اول امرده ماهیتی تحلیل ایتک ایجاب ایدور .

مسارعة عرض ایدمه که ، تشکیلات اساسیه قانونمزده قیمتدار بر فائیت واردور . بوقانون جمهوریتیزک « دینی » در . اجتماعی ایمانمز بوقانونله مؤسدر .

بویوک فیلسوف « رغسون » ک تعبیری وجهله بوقانون ، جمهوریتیزک بر « حمله » سی قوه حیاتیه سی ، قوه موجب سیدر .

بویله اولمقله برابر بوقانونک ده بر سیر تکامله تابع اولمدینی هیچ بر کیمسه ادعا

ایده مز. هر شیده اولدینی کبی بر شیک تکامل قانونه تابع اولسی ضرورتی بوقانونک «ایمان اجتماعی» افاده ایتمسه معارض اولاماز.

باقیکزکه: شعور و ذکائی بیکلرجه عصر اول سینه سنده ساقلایان طبیعت؛ بیکلرجه عصر صوکره آنجق انسان شکلنده محصوللر یتیشدیرمش و ایلروده درجه درجه دهها مکمل محصوللر وجوده کتیره میجکی هیچ بر کیمسه ادعا ایده مه مشدر. ایشته تشکیلات اساسیه قانونمزدده شمذیلک ماهیتی بویه تحلیل ایده بیلیرز. شیمدی کندیمی بوراده مقدر ایکی سؤال مواجهه سنده فرض ایدیورم.

۱ — واضع قانون تشکیلات اساسیه قانونی قسماً و یا تماماً فسخ ایده بیلیری؟

۲ — واضع قانون منافی بر قانون وضعی صورتیله تشکیلات اساسیه قانونی قسماً و یا تماماً تعدیل و یا الغا ایده بیلیری؟

هر نه قدر اصطلاحات حقوقیه مز «فسخ و تعدیل» کله رینی مرادف استعمال ایتمش ایسه ده، حقیقته بر قانونک فسخی ایله تعدیلی آیری آیری شیلردر.

بر قانون یرینه دهها مکمل بر دیگرینی اقامه «فسخ» در. فقط بر قانونه منافی دیگر بر قانون وضعی ایسه الغا و تعدیلدر.

تشکیلات اساسیه قانوننده واضع قانون ایچون «فسخ» صلاحیتی وحق واردر. چونکه، واضع قانون دائماً تکامل سیرینی استهداف ایدن بیوک مکمل بر ذکانت تمایلدر. بویه بر ذکانت اثری، معاصر اجتماعک اک صیوک سیستمی اولق لازم کلیر. عکسفی فرض، ذکاده توقف و عطلالت کبی بر نقصان تصویری انتاج ایدر. حالبوکه بویه بر تصور واضع قانون ایچون اصلا وارد اولاماز.

فقط واضع قانون، ام القوانین اولان «تشکیلات اساسیه» قانونی صراحة و یا ضمناً و یا دلالة تعدیل و الغا ایده مز، یعنی ام القوانینه منافی قانون وضع ایده مز؛ چونکه واضع قانون، ایمان اجتماعی افاده ایدن «تشکیلات اساسیه» قانونه منافی بر قانونک وضعی صلاحیتی کندی نفسندن بالذات رفع ایتمش و تشکیلات اساسیه قانونمزدک ۱۰۳نجی ماده سنده «تشکیلات اساسیه قانونک هیچ بر ماده سی هیچ بر سبب و بهانه ایله اھمال و یا تعطیل اولنه ماز. هیچ بر قانون تشکیلات اساسیه منافی اولاماز. دستور قویغنی وضع و تدوین ایله مشدر. بو اساس کوستریورک؛ ام القوانین اولان تشکیلات اساسیه قانونمزد،

ینه واضع قانون طرفندن «فسخ» ایدلدکجه دیگر بر قانونله صراحة ویاضماً ویا دلالة قابل الغا و تعدیل دکدر . مثلاً :

بر حادثه نك حکمی افاده ایچون وضع ایدیلن بر قانونده ، تشکیلات اساسیه قانونه منافی قاعده لر درجی جائز اولدینی کبی درجی حالده تشکیلات اساسیه قانونک بر حرفته بیله خلل کلز ، زیرا تشکیلات اساسیه منافی هیچ بر شی قانون اولاماز و هیچ بر قانونده تشکیلات اساسیه منافی اولاماز . شیمدی ، منافی بر قانونک وضع ایدلدیکنی فرض ایدرک مناقشائی بر نتیجه یه ربط ایدلم .

واضع قانونک «تشکیلات اساسیه» یه منافی بر قانون وضع ایتدیکنی دوشونهلم . بو حالده بو قانون یا بر ذهول اثریدر ویاخود تشکیلات اساسیه منافی اولدینی بیلرک وضع ایدلمش بر اثردر ، اونچجی بر احتمال یوقدر .

برنجی شکده ، بویله بر قانونک تطبیقی ایله حکام البته مکلف طوتولاماز . بوتون ملت نامه اجرای قضا حقنی جائز اولان ، تشکیلات اساسیه قانونکده بر مؤیده سی بولنان حکام ، بویله بر قانونی البته تطبیق ایتیه جکدر ، زیرا معارض قانونک بر اثر ذهول اولدینی فرض ایتش ایدک .

ایکنجی شکله کلنجه : ام القوانين اولان «تشکیلات اساسیه» قانونک قابل فسخ اولوب الغا و تعدیل اولدینی قبول ایدنلر بویله بر قانونک تطبیقی جهته کیده مزملر ، بیلرک ایمان اجتماعی یی اخلاله جرأت ایده مزملر . فقط تشکیلات اساسیه قانونک قابل تعدیل والفا اولدینی ادعا ایدنلر ، بویله معارض قانونلرکده بلاقید و شرط تطبیقی التزام ایدرکن بو التزامی تثبیت ایچون [واضع قانونک حاکیت حق ، حکامک واضع قانون تحتده جائز اولدینی قضا حق ، حقوقده آنارش] کبی سبیلری ایراد ایدیورلر . بالخاصه فرانسه حقوق عالمدهده بوسبیلر موضوع بحث اولمشدر . حاکمک بوبابده جائز حقوق اولدقلرینی ادعا ایدنلرک باشنده موسیو (نه سمن esmein) ده واردر . قانون اساسی یه مغایر هر هانکی بر قانونک عدم تطبیقی خصوصنده حاکمه صلاحیت ویرمه نك ، واضع قانون قارشوسنه قوه عدلیه نك اقامه سی و حکومتک « حاکم حکومتی » شکله انتقالی مؤید بر محذور تولید ایده جکنی ادعا ایله مشلدر . فی الحقیقه ؛ واضع قانونک حاکمیت حق ، ام القوانينی فسخه مساعد ایهده دیگر بر احتیاجک افاده سی امرنده وضع ایدیلن

قانونلار ایسه ام قوانینی الفا و تعدیه مساعد دکلدر. عکسنی فرض حالنده آنارشی حقوقده دکل، آنارشی ایمان اجتماعیمزده تظاهر ایدر.

ایمان اجتماعی بی افاده ایدن ام قوانینکده بر مؤیده سی اولان حکام ایسه، ملت نامنه حائز اولدینی قضا صلاحیتنی مطلق بر صورتده استعمال ایده وک بویه بر آنارشینک تظاهرینه البته مانع اولور.

بوراده حکامک آرتق واضع قانون فوقنده ویا تحتنده بر استبداد و تحکمی موضوع بحث اولاماز.

«حاکمک حکومتی» سؤالی ساده شاعرانه در. حقیقتده ایسه وظیفه لرینی ای بیان حاکمروادر. یعنی حکومت سیاسییه مکمل ووظیفه شناس حاکماری واردر. بوعبارله «حاکم حکومتی» دکل، حاکمک ساده وظیفه سی موضوع بحث اولور.

الحاصل؛ تشکیلات اساسیه قانونی چوق قیمتلیدر. جمهوریتیمزک «قرآنی» اولان بو کتاب خللدن مصون قالمالیدر. بالخاصه حاکم، بو مقدس کتابک حارسی اولمیلیدر.

آروقات

مصطفی شاكر

اجرا رئیس

احمد رئیس

اجرا قانونی

غیر منقولک جبری مزایده سنده احاله قطعیه نك حقوقی نتیجه لری

غیر منقولک احاله قطعیه سی تعیری قاعده جبری مزایده نك نهائی وضعیت حقوقیه سی و ملکیتک تحقق شکلنده تلقیسی علمی و طوغری اولور. آنجق اجرا قانوننک زمان تنظیمنده مرعی احکام مدنییه موجبجه غیر منقولده ملکیتک اکتسابی فراغ ایله قابل اولدیغندن اجرا قانوننده احاله قطعیه تعیری ملکیتک تحقیقی افاده مقصدیه قونولامامشدر. بلکه مزایده لر ایکی احاله یی انتاج ایده جکندن برنجیسنه احاله اولیه وایکنجیسنه احاله قطعیه دنیلمشدر. احکام اصولیه نك، احکام اساسیه ایله تأمین ارتباطی وضع قوانین خصوصنده شبهه سز الزمدر. جبری احاله حکملرنده ده بونی آچیق اوله رق کورمکده یز. احاله